

Allannguutissatutsiunnersuut

uunga

**Naligiissitaanissamut Siunnersuisoqatigiit pillugit Inatsisartut inatsisaata
allangortinneqarneranik Inatsisartut inatsisissaattut siunnersuut**

Aappassaaneerinninnermut Naalakkersuisunit saqqummiunneqartoq.

Siunnersuutip qulequtaanut qulequtaaraanullu

1. Siunnersuutip qulequtaa qulequtaaraalu ima oqaasertaqassapput:
"Naligiissitaanissamut Siunnersuisoqatigiit pillugit Inatsisartut inatsisaata
allangortinneqarneranik Inatsisartut inatsisissaattut nr. xx, uu. qqqq 2003-
meersussatut siunnersuut (Naligiissitaanissamut Siunnersuisoqatigiit
inuttalersugaanerat)".

§ 1-imut

2. § 1-imut aallarniut ima oqaasertaqassaaq:
"Naligiissitaanissamut Siunnersuisoqatigiit pillugit Inatsisartut inatsisaanni nr. 5-imi
20. maj 1998-imeersumi uku allangortinneqassapput:" .

3. § 1, nr. 1-imi § 3, imm. 3 ima oqaasertaqassaaq:
"Imm.3. Sulisitsisut peqatigiiffii anginerit pingasut aamma KNAPK peqatigiillutik
sapiingisamik ajornanngippat angummik arnamillu, kattuffiit taakku arlaannut
ilaasortaasunik, inassuteqassapput."

4. § 1, nr.1-imi § 3, imm. 5 ima oqaasertaqassaaq:
"Imm. 5. Kattuffiit peqatigiiffiilluunniit uku meeqqanik inuusuttunillu sullissisuusut
imaluunniit sulisut meeqqanut inuusuttunullu tunngasunik suliallit soqutigisaannik
ingerlatsisut peqatigiillutik sapiingisamik ajornanngippat angummik arnamillu,
kattuffiit taakku arlaannut ilaasortaasunik, inassuteqassapput:

1) Sorlak

- 2) Perorsaasut Ilinniarsimasut Peqatigiiffiat, PIP
- 3) AK, isumaginninnermi siunnersortit eqqarsaatigalugit
- 4) PPK."

Allannguutissatut siunnersuummut nassuiaatit

Inatsisissatut siunnersuutip qulequtaaraa inatsisissatut siunnersuutaqqaartumi kukkunikkut § 1-imut aallarniutip ataanut ilanngunneqarsimavoq. Kukkuneq tanna allannguutissatut siunnersuutikkut iluarsineqarpoq.

KNAPK siunnersuutaqqaartumi kukkunikkut kattuffinnut meeqqanik inuusuttunillu sullissisunut imaluunniit sulisut meeqqanut inuusuttunullu tunngasunik suliaqartut soqutigisaannik ingerlatsisunut ilanngunneqarsimavoq. Kukkuneq taanna allannguutissatut siunnersuutikkut iluarsineqarpoq, KNAPK taarsiullugu sulisitsisut peqatigiiffiisa anginerit pingasut saniatigut ilanngunneqarmat.

Tamatuma kinguneraa KNAPK sulisitsisullu peqatigiiffii anginerit pingasut peqatigiillutik sapinngisamik ajornangippat angummik arnamillu, kattuffiit taakku arlaannut ilaasortaasunik, inassuteqartassammata. Tamatuma saniatigut Sorlak, PIP, AK PPK-lu peqatigiillutik sapinngisamik ajornangippat angummik arnamillu, kattuffiit taakku arlaannut ilaasortaasunik, inassuteqartassapput.